

Oahppoplána

Luohtepoesiija ja lyrihkka

SÁM-1006

10 oahppočuoggá



1. Oahpu namma

Sámegillii: Luohtepoesiija ja lyrihkka
Dárogillii: Joicepoesi og lyrikk
Eanjalasgillii: Yoik poetry and lyric

2. Oppalaš dieđut oahpu birra

Oahpu koda: SÁM-1006
Dássi: Bachelor, fágaoahppu
Viidodat: 10 oahppočuoggá
Galli lohkanbaji badjel: Ovtta
Oahpu lágideapmi: Oahppu lágiduvvo neahttdoarjjaoahpahussan: Logaldallamat leat neahta bokte ja lohkanbaji áiggi leat guokte geatnegahtton seminára Sámi allaskuvllas, Guovdageainnus. Semináraide ii leat vejolaš searvat neahta bokte.

3. Oahpu gullevažuohta

Oahppu gullá sámegiela ja sámi girjjálašvuoda bachelorprográmma geatnegahtton fágaoahpuide.

4. Sisabeassangáibádusat

- Ohcci galgá leat čađahan jogo SÁM-1002 Láidehus sámi girjjálašvuodadiehtagii (10 oč.), SÁM 106 Sámi girjjálašvuota (10 oč.), SÁM 111 Sámi girjjálašvuoda vuoddokursa (10 oč.) dahje vástideaddji oahpu.
- Dábalaš sisabeassangáibádusat alitohppui. Sisabeassanvuoddu sáhtá leat juogo oppalaš lohkanbajalašvuota (čađahan joatkkaskuvlla, logahaga dahje gymnása) dahje reálagelbbolašvuota. Oppalaš lohkanbajalašvuoda gáibádusat olgoriikkaohcciide bohtet ovdan *GSU-listtus*. Go oahppu lágiduvvo sámegillii, de olgoriikkaohcciide ii gusto dárogielgáibádus, vrd. [*Forskrift om opptak til høgare utdanning § 2-2 \(6\)*](#).
- Sámeielmáhttu.

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđaaigásaš giellan (moderna språk 200–300 čuoggá) dahje vástideaddji sámegielloahppu doaibmi njuolggadusaid mielde. Sámeigiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuota man dási gelbbolašvuota ohccis lea, de ášši ovddiduvvo fágalaš árvvoštallamii ja meannuduvvo dán vuodul.

5. Oahpahus- ja eksámengiella

Oahpahus- ja eksámengiella lea davvisámegiella.

6. Sisdoallu

Oahpus guorahallojuvvojit luohstedajahusat ja sámi lyriikka 1600-logu rájes gitta dálá áigái. Oahppu oahpásnuhtá studeantta sámi lyriikka áigeguovdilis fáttáide ja temáide ja diktačállima mearkkašupmái sámi servodagas. Oahpu áigge studeanta beassá oahpásnuvvat sihke njálmmálaš ja čálalaš sámi poesijai. Oahpus guorahallojuvvojit sámi diktačállima mihtilmas dáiddalaš ovdanbuktinvuogit ja daid ovdáneapmi historjjálaččat.

7. Oahppanjoksosat

Oahpu čađaheami maŋŋel lea studeanta olahan čuovvovaš oahppanjoksosiid:

Diehtu:

Studeanta

- dovdá guovddáš sámi lyriikka ja diktačálliid
- dovdá luodi ja dajahusaid doaimma ja sajádaga sámi servodagain
- dovdá sámi lyriikka ovdáneami ja historjjá
- dovdá luohtepoesijja mihtilmas dovdomearkkaid ja temáid

Máhttu:

Studeanta

- máhtá guorahallat, analyseret ja árvvoštallat lyrálaš teavsttaid
- máhtá kontekstualiseret sámi lyriikka iežas áigodaga guovddáš temáid ja mihtilmas servodatlaš gažaldagaid hárrái
- máhtá guorahallat luohtepoesijja iežas välljen girjjálašvuoda teoriijaid ja metoidaid mielde

Oppalaš gelbbolašvuoha:

Studeanta

- máhtá guorahallat ja árvvoštallat dihto luohstedajahusaid ráhkadusa ja sisdoalu
- máhtá guorahallat dálá sámi lyriikka servodatlaš ja kultuvrralaš mearkkašumi
- máhtá fágalaččat searvat sámi lyriikka guoskevaš áigeguovdilis ságastallamii

8. Oahpahan- ja oahppanvuogit

Logaldallamat, čálalaš barggut ja seminárat.

9. Gáibádusat beassat eksámenii

Čuovvovaš gáibádusat leat eaktun beassat eksámenii:

- 3–4-siidosaš čálalaš bargu luohtepoesiijas
- 3–4-siidosaš čálalaš bargu sámi lyrihkas
- 10–15-minuhtasaš njálmmálaš ovdanbuktin guovtti semináras

Barggut galget leat dohkkehuvvon ovdal go studeanta beassá eksámenii.

10. Eksámen

Guđa (6) diimmu oktagaslaš čálalaš skuvlaeksámen.

Árvosánit addojuvvojit ECTS-vuogádaga mielde, mas A lea buoremus árvosátni ja E lea vuolemus ceavzínárvosátni. F-árvosátni mearkkaša ahte ii leat ceavzán.

11. Leago privatisttain vejolaš váldit dan oahpu?

Ii leat.

12. Kvalitehtasihkkarastin

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuohta searvat árvvoštallamiidda mat leat oassin kvalitehtasihkkarastinvuogádagas.